


SE SUSCRIBE EN TOLEDO, LIBRERIA DE FANDO.

SE PUBLICA TODOS LOS SÁBADOS.

Este Boletín está dedicado á la circulación de las comunicaciones oficiales del Arzobispado y demás que convenga al interés del Clero.



Los señores eclesiásticos que no le reciban á tiempo, harán la reclamación dentro del término de 20 días, pasados los cuales no será atendida.

# BOLETIN ECLESIASTICO

DEL

## ARZOBISPADO DE TOLEDO.

### INFORME RAZONADO

ESCRITO POR EL SECRETARIO DE LA SAGRADA CONGREGACION PARA LA CORRECCION DEL MISAL ROMANO, CON LAS RESOLUCIONES Y DECRETOS EXPEDIDOS.

(Continuacion.)

#### DUBIUM XII.

Post decretum *Urbis et Orbis* die 10 Septemb. 1847 (n. 5098) nullum potest esse dubium quin missa Patrocinii Sancti Josephi Confessoris Sponsi Beatæ Mariæ Virginis apponenda sit in corpore Missalis Romani. Sed quum missa hæc ordinata sit pro tempore paschali, dubium oritur, quomodo sit eadem ordinanda in casu translationis post Pentecosten. Quid in casu faciendum sit relate ad officium Sacra Rituum Congregatio jamdudum definivit in *Barcinonem*. die 10 Septembris 1790 ad IV (n. 4442). Sed relate ad missam quum nulla extet Sacræ Congregationis definitio, expedire videtur, ut occasione novi missalis, id modo declaretur. Si missa Sancti Josephi die 19 Martii in omnibus suis partibus propria esset, quemadmodum alia patrocinii, facile resolvi quæstio posset, subrogando in casu de quo agitur missæ Patrocinii aliam pro festo principali assignatam. Verum quum duæ istæ missæ universim discrepent inter se, regulis liturgicis consonum videtur, ut quæ propria sunt in missa Patrocinii non dimittantur extra tempus paschale sed quad fieri possit, et ritus permittat omnino conserventur. Huic sane regulæ in casu prorsus simili Sacra Rituum Congregationem inhæsisse

aperte colligitur ex duobus decretis *Urbis et Orbis* dierum 23 Junii 1703 et 23 Septembris 1706 ad 4 (n. 3657 et 3754) ubi quum sermo esset de ordinanda missa Sanctorum Apostolorum Philippi et Jacobi post Pentecosten translata, Sacra Congregatio declaravit legendam esse ipsam missam temporis paschalis, demptis solummodo *Alleluia*, ac sumpto graduali ex missa infra octavam Sanctorum Apostolorum Petri et Pauli præter versiculum proprium: *Tanto tempore vobiscum sum, etc.* quem retineri voluit. Quo posito exemplo facile quisque dabit non recessurum à regulis Sacræ Congregationis qui arbitraretur missam Patrocinii Sancti Josephi legi debere post Pentecosten uti ordinata est pro tempore paschali, demptis solummodo *Alleluia* sumptoque graduali ex missa diei 19 Martii cum versiculo proprio *Fac nos innocuam Joseph, etc.*, et tribus *Alleluia* dispositis juxta rubricas.

Hisce itaque præmissis, quæritur.

Quomodo sit ordinanda missa Patrocinii Sancti Josephi in casu translationis post Pentecosten?

#### DUBIUM XIII.

In missa Sancti Laurentii Martyris diei 10 Augusti post evangelium legitur: *Non dicitur Credo nisi in ecclesia propria, aut nisi venerit in dominica.* In missa autem diei octavæ, quæ incidit infra octavam Assumptionis Beatæ Mariæ Virginis notatur absolute dicitur *Credo*. Jam vero quum in casu prorsus simili, nimirum in die Nativitatis Sancti Joannis Baptistæ, qua *Credo* non